



# NATURVERNFORBUNDET I SØR-TRØNDELAG

Sandgata 30, 7012 Trondheim

Tlf. 73 51 52 24 Fax 73 51 27 27 e-post [sortrondelag@naturvern.no](mailto:sortrondelag@naturvern.no) 16.05.2012

---

## Norges Vassdrags og Energidirektorat

v/NVE

[nve@nve.no](mailto:nve@nve.no)

### Høyringsuttale Frøya Vindkraftanlegg.

Vi viser til revidert søknad om vindkraftanlegg på Frøya.

Vi ønsker å slutte oss til vedlagde høyringsfråsegn frå Forum for Natur og Friluftsliv, og ber NVE om å avvise søknaden om konsesjon på grunnlag av dei urimeleg store konsekvensane for natur og landskap som følgje av vindkraftanlegget.

Nokre kommentarar i tillegg:

#### *INON*

Vi viser til nasjonal veileder for lokalisering av vindkraftanlegg:

”Nasjonale mål: Sikre at gjenværende naturområder med urørt preg blir tatt vare på.”

”Svært stort konfliktpotensiale i INON-områder i regioner som har svært lite igjen av slike”

Vi vil vise til at det blir særst lite INON-område att langs kysten av Sør Trøndelag etter at det vart lagt vindkraftanlegg på Hitra, (med planar om utviding), det er søkt om store anlegg i Snillfjord og Hemne, og det er gjeve konsesjon til fleire anlegg på Fosen. Spesielt er det lite INON-område att i øyregionen.

Konklusjonen vår er at vindkraftplanen på Frøya både er i strid med det generelle nasjonale målet om å ta vare på gjenværende naturområde med urørd preg, og at det er ”svært stort konfliktpotensiale” ut i frå definisjonane i den nasjonale veiledaren.

#### *Spesiell landskapstype*

Vi vil vidare vise til at det er viktig å ta vare på den spesielle flate strandsone-landskapetstypen med tilhøyrande fauna som Smøla og Frøya er typiske representantar for. Når det er bygget ut vindkraft på Smøla, så er det dermed stor konflikt knytt til ei utbygging også på Frøya.

#### *Stansar det her?*

Dette er ein redusert utbyggingssøknad, men vi stiller spørsmål om kva som vil skje dersom det blir gjeve konsesjon. All erfaring viser at når ein fyrst opnar eit jomfrueleg område for utbygging, så kjem det tilleggssøknader. Dette har skjedd på Hitra, på Bessaker og andre område, og det er ingen grunn til ikkje å tru at dette også vil kunne skje på Frøya. Mange av argumenta mot utbygging blir svekka når ein allereie har etablert eit anlegg. Det er difor grunnlag til også å ta med i vurderinga konsekvensane av ei større utbygging enn dagens søknad.

Beste helsing

Mads Løkeland

Naturvernforbundet i Sør Trøndelag

95056726

[Mads.loekeland@gmail.com](mailto:Mads.loekeland@gmail.com)

vedlegg: Høyringsuttale frå FNF i Sør Trøndelag.